

# **Forskrift om folkevalde si rett til godtgjersle, utgiftsdekning og velferdsgoder, Tysvær kommune**

Hjemmel: Fastsett av kommunestyret i Tysvær xx.xx.2023 med hjemmel i lov 22. juni 2018 nr. 83 om kommuner og fylkeskommuner (kommuneloven) § 8-3, § 8-4, §8-5, § 8-6, §8-7, §8-8, §8-9 og § 8-10.

## **§ 1 Formål**

Forskrifta legg til rette for brei rekruttering til tillitsverv som folkevald i Tysvær kommune gjennom økonomiske ordninger som følgje av vervet.

## **§ 2 Virkeområde**

Forskrifta gjeld regulering av godtgjersle, utgiftsdekning og velferdsgoder for dei folkevalde i Tysvær kommune

Godtgjersle vert gitt for møter medlem eller varamedlem deltek i kommunestyre, formannskap, faste utval, råd og komitéar som er oppretta av kommunestyret eller andre folkevalde organ, jf kommunelova kap. 5.

Dersom ikkje anna er fastsett ved lov eller føresegn, skal det ytast godtgjersle etter desse reglane når det føreligg ei formell innkalling og saksliste til møte. Det er vidare ei føresetnad at det vert ført møteprotokoll eller referat.

Folkevalde representantar som kommunen har oppnemnt i interkommunale eller regionale styrer, råd og utval skal godtgjerast etter forskrifta dersom føretaket sjølv ikkje utbetalar godtgjersle. Den folkevalde må i desse tilfella sjølv levere inn krav om møtegodtgjersle, og legge ved protokoll eller referat som dokumentasjon for oppmøte.

Godtgjersle til røystestyrer som vert oppretta i samband med valavvikling vert ikkje omfatta av denne forskrifta, men vert fastsett i eiga sak til valstyret.

Møtegodtgjersle kan vidare utbetalast når medlemmer i eit utval vert utpeika/valde til å delta på kurs, konferansar eller studieturar. Godtgjersle ved slik deltaking skal godkjennast av ordførar på førehånd.

## **§ 3-1 Generell møtegodtgjersle**

For møter i kommunestyre, formannskap, kommuneplanutvalet, levekårutvalet og teknisk utval er møtegodtgjersla sett til kr 1 500 per møte. For møter i andre folkevalde og kommunale organ, oppretta etter kommunelova kap. 5, er møtegodtgjersla sett til kr 1200,- per møte.

## **§ 3-2 Godtgjersle for enkeltsaker**

Når vararepresentantar møter i enkeltsaker, t.d. ved varsel om inhabilitet eller delvis forfall, skal det utbetalast kr 600,- i møtegodtgjersle.

## **§ 3-3 Fungerande møteleiar**

Dersom møteleiar har forfall skal fungerande møteleiar ha utbetalat dobbel møtegodtgjersle.

## **§ 3-4 Fleire påfølgande møter**

Formannskapet sine medlemmer er oppnemnd til å ivareta fleire funksjonar, dvs at formannskapet sine medlemmer er vald til fleire utval. Når desse utvala har møte same dag som formannskapet skal det utbetalast ordinær møtegodtgjersle for formannskapet, og kr 600,- for dei øvrige møta. Dette gjeld for utvala tiltak- og næringsfondet, valstyret og administrasjonsutvalet (ADMU).

## **§4 Godtgjersle til ordførar**

Ordførar i heil stilling skal ha ei årleg godtgjersle tilsvarende 110% av årleg godtgjersle til stortingsrepresentantane, og følgje deira godtgjersleutvikling.

Ved redusert stilling vert godtgjersla redusert tilsvarende.

Godtgjersla skal dekke alle oppdrag som ordføraren utfører for kommunen. Det vert ikkje utbetalat møtegodtgjersle i tillegg til fast godtgjersle.

## **§5 Godtgjersle til varaordførar**

Godtgjersle til varaordførar vert sett til 25% av ordførar si godtgjersle.

Godtgjersla skal dekke alle oppdrag varaordføraren utfører for kommunen, inkludert representasjon og stedfortredarfunksjon i ordføraren sin ferie.

Det vert ikkje utbetalat møtegodtgjersle i tillegg til fast godtgjersle. Varaordfører har, jf. kommunelova §8-3, rett på tapt arbeidsforteneste etter §18 i denne forskrifta.

Er varaordføraren i tillegg gruppeleiar kjem denne godtgjersla i tillegg.

## **§ 6-1 Faste godtgjersler til hovudutvalsleiarar**

Det vert utbetalat følgjande fast årleg godtgjersle:

|                           |             |
|---------------------------|-------------|
| Leiar av teknisk utval:   | kr 60 000,- |
| Leiar av levekårsutvalet: | kr 60 000,- |

Godtgjersla dekkjer leiar si nødvendige kontakt med leiar(ar) for vedkommande forvaltningsgrein. Det vert utbetalat møtegodtgjersle i tillegg til den faste godtgjersla.

## **§ 6-2 Faste godtgjersler til andre leiarar**

Det vert utbetalt fast årleg godtgjersle til leiarar av følgjande styrer, råd og utval:

|                                                      |             |
|------------------------------------------------------|-------------|
| Leiar av kontrollutvalet:                            | kr 30 000,- |
| Leiar av eldrerådet:                                 | kr 10 000,- |
| Leiar av råd for menneske med nedsett funksjonsevne: | kr 10 000,- |
| Leiar av ungdomsrådet:                               | kr 10 000,- |
| Leiar av klagenemnd for eigedomsskatt:               | kr 30 000,- |
| Leiar av sakkyndig nemnd for eigedomsskatt:          | kr 30 000,- |
| Leiar av det kommunale klageutvalet:                 | kr 5 000,-  |
| Gruppeleiarar i kommunestyret:                       | kr 10 000,- |

Det vert utbetalt møtegodtgjersle i tillegg til den faste godtgjersla.

## **§ 6-3 Andre faste godtgjersler**

Det vert utbetalt fast årleg godtgjersle til medlemmer i følgjande styrer, råd og utval:

|                                                                   |             |
|-------------------------------------------------------------------|-------------|
| Medlemmer i formannskapet*                                        | kr 60 000,- |
| Medlemmer kun i kommunestyret**                                   | kr 25 000,- |
| Medlemmer kun i teknisk utval eller levekårutvalet                | kr 25 000,- |
| Medlemmer både i kommunestyret og teknisk utval/levekårutvalet*** | kr 35 000,- |

\* gjeld ikkje ordførar og varaordførar

\*\*gjeld medlemmer i kommunestyret som ikkje har fast plass i hovudutval eller formannskap.

\*\*\*gjeld ikkje hovudutvalsleiarar

Det vert utbetalt møtegodtgjersle i tillegg til den faste godtgjersla.

## **§ 6-4 Trekk i fast godtgjersle**

Dersom folkevalde melder forfall eller er fråværande frå meir enn to møter pr. halvår, fører det til at den faste godtgjersla vert redusert med kr 2 000,- pr møte, frå og med det tredje møte.

Det vil seie at ved forfall frå tre møter vert den faste godtgjersla redusert med kr 6 000,-, forfall frå fire møter redusert med kr 8 000,- osv.

Forfall og trekk i fast godtgjersle skal avreknast innafor ein periode på 6 månadar, og i samband med utbetaling av møtegodtgjersle, jf. §19.

Når forfallet er grunna anna offentleg oppdrag for Tysvær kommune skal dette ikkje føra til redusert fast godtgjersle.

## **§ 6-5 Utbetaling av fast godtgjersle til varamedlemmer**

Varamedlemmer som møter i meir enn to møter pr halvår skal få utbetalt fast godtgjersle tilsvarannde trekk i §5-3.

Det vil seie at dersom eit varamedlem møter i tre møter får vedkommande utbetalt kr 6 000,-, møter hen i fire møter vert utbetalinga kr 8 000,- osv.

Utbetaling av fast godtgjersle til varamedlem skal avrekna innanfor ein periode på 6 månadar, og i samband med utbetaling av møtegodtgjersle, jf. §19.

## **§ 7 Kjøre- og reiseutgifter**

Skyss-, kost og overnattingsutgifter for reise i samband med kommunale tillitsverv vert dekka i samsvar med kommunen sitt reiseregulativ.

Reisegodtgjersle vert gitt for reiser til møter som er omfatta av denne forskrifta.

I tillegg vert det for kommunestyremedlemmer, dei to første varamedlemmene til kommunestyret og faste medlemmer i hovudutval gitt reisegodtgjersle til gruppemøter i forkant av møter i hovudutval, formannskapsmøter og kommunestyremøter.

Reiserekningar skal sendast politisk sekretariat. Reiserekninga kan sendast ved behov, og seinast kvart halvår. Reiseutgifter som er eldre enn seks månadar ved innlevering vil ikkje bli utbetalt.

## **§ 8 Bompengar**

Ordførar kan velje å inngå avtale om å få dekka bompengeabonnement (oppgåvepliktig) for Haugalandspakken eller få dekka bompengeutgifter som ved vanleg føring av kjøre- og reiseskjema.

## **§ 9 Telefon- og internettgodtgjersle**

Ordførar og varaordførar får fri mobiltelefon etter kommunen sitt til ei kvar tid gjeldande reglement.

Ordførar får dekka breiband/internetttilgong etter kommunen sitt til ei kvar tid gjeldande reglement.

## **§ 10 Avis/ tidsskriftabonnement**

Ordføraren får dekka to avisabonnement.

Medlemmer i formannskap, hovudutvalsleiarar og leiar i kontrollutvalet får abonnement på Kommunal Rapport

## **§ 11 Feriepengar**

Folkevalde får godtgjersle, og er ikkje arbeidstakrar i Tysvær kommune. Fokevalde har ikkje rett på feriepenger.

## **§ 12 Gruppelivs- og ulykkesforsikring**

Ordførar skal ha same ordning for gruppelivs- og ulykkesforsikring som gjeld for dei fast tilsette i Tysvær kommune.

## **§ 13 Sjukelønsordning**

Folkevalde som har vervet som sitt hovedvirke har same rett til sykepengar som tilsette i kommunen, jf kommunelova §8-8. Ved sjukemelding utover 16 dagar vil Tysvær kommune utbetale mellomlegget mellom full godtgjersle og 6G.

## **§14 Permisjonar**

Folkevalde som har vervet som sitt hovedvirke kan etter søknad få permisjon i samsvar med arbeidsmiljøloven § 12-1 til §12-10, §12-12 og §12-15, jf kommunelova §8-10.

Under permisjonen beheld de folkevalde godtgjersla inntil to veker, med mindre dei gir avkall på den. Under svangerskapspermisjon, omsorgspermisjon, fødselspermisjon, foreldrepermisjon og ved sjukdom hjå barn og barnepassar, har den folkevalde rett til å behalde godtgjersla etter same reglar som gjeld for tilsvarande permisjonar for tilsette i kommunen.

Den folkevalde må sjølv søke NAV om yting knytt til permisjonar i medhald til arbeidsmiljølovens kapittel 12. Har den folkevalde krav på godtgjersle utover 6G, skal Tysvær kommune betale mellomlegget mellom det den folkevalde har krav på å få utbetalt frå folketrygda, og det den folkevalde ville fått i godtgjersle i den same perioden.

## **§15 Etterløn/- venteløn**

Folkevalde som har vervet som sitt hovedvirke, kan ved fråtreden av vervet søke om ettergodtgjersle i:

- a) 1,5 månad dersom vedkommande har ein jobb å tiltre etter endt teneste
- b) 3 månadar dersom vedkommande ikkje har ein jobb å gå til

Retten til ettergodtgjersle skal avkortast krone for krone mot anna inntekt. Det same gjeld for ordinær inntekt som den folkevalde frivillig avstår frå.

## **§ 16 Pensjon**

Kommunestyret gjorde i sak 14/14 følgjande vedtak:

- Tysvær kommunestyre vedtar pensjonsordning for folkevalde tilsvarande tenestepensjonsordninga for offentleg tilsette.
- det blir sett ei nedre grense for medlemskap til 1/3 av godtgjersle for full stilling.
- folkevalde får tilbod om same AFP-ordning som for tilsette.

Ein eventuell endring i pensjonsordninga skal opp som eiga sak i kommunestyret.

## **§ 17 Vederlag for utlegg**

Utgifter som folkevalde har til å dekke stedfortredar til omsorgsoppgåver som pass av barn, stell av sjuke og eldre m.v. i samband med kommunalt verv vert dekka på følgjande måte :

- a) ulegitimerte utgifter vert dekka med inntil kr.100,- pr. time.

b) legitimerte utgifter vert dekka med inntil kr. 1200,- pr. dag (maks 1200,- pr. døgn).

Bilag for dei aktuelle utgiftene skal leggast fram som legitimasjon.

Utgifter til barnepass vert dekka til og med det året barnet fyller 12 år. Denne avgrensinga gjeld ikkje for barn som er fysisk eller psykisk funksjonshemma.

## **§18 Tapt arbeidsforteneste**

Medlemer og varamedlemmer i politiske og kommunale utval som er omfatta av denne forskrifta, har rett til å få utbetalt kompensasjon for tap i arbeidsinntekt etter følgjande retningslinjer:

- inntil kr 4.000,- for kvart møte/reisedag for tap i arbeidsinntekt eller utlegg til vikar når dette kan legitimerast.
- inntil kr 1.200,- for kvart møte/reisedag til dekning av tapt arbeidsinntekt som ikkje kan legitimerast, men likevel er sannsynleg.

Tap i pårekna overtidsarbeid eller anna ekstrainntekt vert kun unntaksvist erstatta.

For sjølvstendig næringsdrivande skal det framleggas siste godkjende sjølvmelding eller stadfesting frå rekneskapsførar.

Den som har rett til møtegodtgjersle etter dette kapitlet må sjølv setja fram krav om dette. Det bør berre unntaksvist komme krav for møte som vart halde lengre enn seks månadar sidan.

Dekking av tap av inntekt kjem i tillegg til ordinær møtegodtgjersle.

## **§ 19 Utbetalingstidspunkt og justeringar**

Utbetaling av møtegodtgjersle etter denne forskrifta skjer på grunnlag av møteprotokollar. Godtgjersla vert utbetalt to gonger pr år. Godtgjersle for møter i perioden desember – mai vert utbetalt i juni, medan godtgjersle for møter i perioden juni – november vert utbetalt i desember.

Årleg fast godtgjersle til ordførar, varaordførar, og fast godtgjersle etter §§ 6-1 og 6-3 i forskrifta vert utbetalt i faste månadsterminar.

Fast godtgjersle etter §6-2 vert utbetalt to gonger årleg

Utbetaling av tapt arbeidsforteneste (§18), vederlag for utlegg (§17) og kjøre- og reisegodtgjersle (§7) vert utbetalt etter innsendte krav. Frist for innlevering for tapt arbeidsforteneste er den 20. i kvar månad for utbetaling den påfølgjande månaden. Frist for elektronisk innlevering av kjøre- og reisegodtgjersle er den siste arbeidsdagen i månaden.

Justering av ordførar si faste godtgjersle skjer som ei følgje av endring i stortingsrepresentantane si lønn. Varaordførar si godtgjersle vert justert tilsvarende.

## **§20 Tolkning**

Spørsmål om tolkning av folkevalde sine arbeidsvilkår og forståing av føresegnehene i denne forskriften skal handsamast av ordførar i samråd med rådmannen.

Ved tvil om føresegnehene i forskriften kan saken leggast fram for formannskapet til avgjerd.

## **§21 Inkrafttredelse**

Forskrifta trer i kraft frå det konstituerande møte for nytt kommunestyret, 19.10.23.